

Siguri

Ekskluzive | Plagosja me pesë plumba në Pejë: Sekuestrohen dy armë, katër karikatorë dhe mbi 120 fishekë – dalin detaje të reja



Sinjali.com

14 Korrik 2026 08:37



Detaje të reja kanë dalë në dritë nga tentativa e vrasjes që tronditi Pejën mbrëmjen e 13 korrikut, ku një 45-vjeçar mbeti i plagosur me pesë plumba, ndërsa Policia ka sekuestruar një arsenal armësh dhe municioni gjatë hetimeve, raporton Sinjali.

Sinjali mëson ekskluzivisht se viktima është Suad Kelmendi (46 vjeç), ndërsa i dyshuari për rastin është Butrint Krasniqi (29 vjeç), i cili pas disa orësh në arrati është vetëdorëzuar në Polici.

Sipas burimeve të Sinjalit, ngjarja ka ndodhur rreth orës 22:36, në rrugën “Mbreti Piro” në Pejë. Pas të shtënave me armë zjarri, autori është larguar me shpejtësi me një Volkswagen Tiguan me ngjyrë hiri.

Viktima ka marrë pesë plagë nga armë zjarri, në gjoks dhe në këmbën e majtë. Fillimisht ai është trajtuar në Spitalin Rajonal të Pejës, ndërsa më pas është transferuar në QKUK në Prishtinë. Sipas mjekëve, gjendja e tij është stabile.

Menjëherë pas ngjarjes, Policia, në koordinim me Prokurorin e Krimeve të Rënda, ka zhvilluar bastisje në shtëpinë e të dyshuarit, ku janë sekuestruar:

- 73 fishekë të kalibrit 7.65 mm;
- Një karikator me 30 fishekë të kalibrit 9×19 mm;
- Dy karikatorë me 11 fishekë të kalibrit 9×19 mm.

Burimet e Sinjalit bëjnë të ditur se pas vetëdorëzimit të të dyshuarit janë sekuestruar edhe:

- një pistoletë Glock me një karikator dhe 5 fishekë të kalibrit 9×19 mm;
- një pistoletë Beretta e kalibrit 7.65 mm, me një karikator dhe 10 fishekë.

Siç mëson Sinjali, gjatë intervistimit, i dyshuari ka shfrytëzuar të drejtën ligjore për t’u mbrojtur në heshtje.

Me urdhër të Prokurorit kujdestar, Butrint Krasniqi është ndaluar për 48 orë, ndërsa rasti po hetohet nga Sektori Rajonal i Hetimeve në Pejë, nën dyshimin për veprën penale “Vrasje e mbetur në tentativë”.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera